

sotto pena di confiscation etc. Il papa a l'incontro ha fato uno altro editto che tutti fiorentini, hanno beneficii ecclesiastici, debbano ussir di la terra sotto pena di privation di beneficii, et ha fato retenir un fiorentin zovene, trovato in Bologna. Scrive esser passati 3500 lanzinech, erano in Lombardia, per Bologna, quali vanno al campo sotto Fiorenza.

Di sier Gabriel Venier orator, da Bologna, di 17. Coloqui col duca di Milan zerca questa paxe, et si duol molto. Et par che l'imperador voi il duca dagi a cinque capitani soi, stati sul stado de Milan, intrata sul ditto stado, che possino viver etc.

Da Ferrara, di sier Marco Antonio Venier el dotor, di 18. Di colqui habuti col signor duca.

Da poi disnar, fo Gran Conseio. Vene il Sere-nissimo, et licet fusse pessimo tempo di pioza fos-semo a Conseio numero

Fu posto, per li Consieri et Cai di XL, la parte presa in Pregadi, de far tre Avogadori extraordi-nari *ut in ea*. La copia è qui avanti posta. La con-tradise sier Zuan Francesco Mozenigo l'avvocato, qu. sier Lunardo, dicendo si tuò l'oficio de Audi-tori nuovi che dieno andar in synica et si fa uno officio per 7 anni. Et li rispose sier Zacaria Trivi-xan qu. sier Benedeto el cavalier; fo breve, laudò la parte, non dixè raxon alcuna, et fè rider molto el Cobseio. Et venuto zoso, andò la parte: 23 non sinceri, 257 de no, 952 de la parte, et fu presa.

Fu fato 3 Consieri de Venexia: del sestier de San Marco, sier Marin Zorzi el dotor, fo savio del Conseio, per eletion, da sier Zuan Alvise Duodo fo cao di X, che vene per scurtinio, de balote et il Duodo non passò; di Canareio, sier Andrea Mudazo fo consier; di Castelo, sier Alvise Mozenigo el cavalier, savio del Conseio. *Item*, al luogo de Procurator rimase sier Almorò di Prioli fo di la Zonta, qu. sier Bernardo, da sier Francesco More-xini fo podestà et capitano a Treviso. Et per l'ora tarda tre voxe andò zoso.

257* Noto. Hessendo stà licentiali per il Colegio quei zentilhomeni erano a le porte di Padoa et Trevixo, veneno heri zoso, sichè più non vi core la pro-vision.

A dì 20. La matina. Fo lettere di le poste; nula da conto.

Vene in Colegio el signor Camilo Orsino.

Vene l'orator de Mantoa, et mostrò alcuni avi-si; la copia sarà qui avanti.

Vene l'orator de Milan domino Benedeto da Corte, perchè heri parti el Taverna, et parlò zerca

le cose del suo signor duca, che l'imperator li dà molto cargo al stato.

Vene il Legato del papa, dicendo haver hauto lettere de uno secretario del papa, da Bologna, co-me la paxe se pol dir' conclusa, nè mancaria altro che drizar li capitoli; si per queste feste de Nadal haveremo questa benedeta paxe.

Da poi disnar, fo Pregadi, per scriver a Bolo-gna: benchè el Colegio sia d'acordo, *tamen* sier Hironimo da Pexaro, savio a Terra ferma, volse fosse scritto per Pregadi.

Da Bologna, vene letere a hore de l'orator Contarini, di 18. Zerca alcune parole ch'el Gran canzelier ha mudà su li capitoli, dove se diceva *assignare* Ravena et Zervia al papa, vol se di-chi *tradere*. *Item*, salvo le raxon de la Signoria vol azonzer *pretensis*. *Item*, altre cose non da conto, come scrisse per sue de 17. *Unde* era stato con li reverendissimi Cornelio et Pixani, perchè el Grimani era indisposto, et *etiam* con l'orator Ve-nier, quali hanno concluso tal parole esser de poca importantia, sichè col nome de Dio doman ch'è domenega sarano insieme et vederano ultimar li ditti capitoli. Ben è vero voleno prima acordar el duca de Milan, et Cesare dice meterà ne li casteli de Milan et Como do modesti spagnoli venuti con lui in Italia etc. *Item*, vol che a quatro capitanei, zoè Antonio da Leva, heriedi del capitano Zorzi Fransperg, el marchese del Guasto et capitano Zu-carò, a questi voleno habbi beni per ducati 200 milia sul stado de Milan de foraussiti, et per li beni mobeli ducati 10 milia a l'anno *ut in capitulo*, la qual cosa al duca par li sia molto nociva; pur ha-vendo concluso de far quel vol l'imperator, avrà pacientia. Scrive, el papa haverli ditto esser letere del campo sotto Fiorenza, di 15, come era morto lì in campo domino Hironimo Moron milanese, prin-cipio el causa de tutta questa guerra, et questo da morte subitanea. *Item*, che quei del campo ha-veano morti do capi con l'artelarie in Fiorenza, *videlicet* el capitano Valerio Orsini et Zorzi San-tacrose. Scrive come el Gran canzelier vol sul sta-do de Milan intrada per ducati 13 milia, et haven-doli assignà l'imperador Valenza, qual non dà intrata se non 6000 ducati, vol el duca prometi darli el resto a l'anno sin ducati 13 milia etc. Scrive el partir del vescovo de Verona de lì per andar a Ve-rona nel suo vescoado.

Da Fiorenza, de sier Carlo Capello orator, di 12 et 14. Come inimici hanno hauto uno ca-stelo chiamato la tra Pisa et Fiorenza, co-